

玉

海

八十八

玉海卷第一百七十八

後漢王應麟伯厚甫章

食貨

農官

農家者流出於農稷之官播百穀勸耕桑以足衣食故八政一曰食二曰貨孔子曰所重民食周官冢宰以九職任萬民其一曰三農生九穀司稼巡邦野之稼而辨種稷之種周知其名與其所宜地而懸于邑閭是也及鄙者爲之欲使君臣並耕諄上下之序

少皞九農正

見官名 春秋正義賈逵云春扈分循相五土之宜
趣民耕種夏扈竊玄趣民耕苗秋扈竊藍趣民收歛
冬扈竊黃趣民蓋藏棘扈竊丹爲果驅鳥行扈啗啗
晝爲民驅鳥宵扈嘖嘖夜爲農驅獸桑扈竊脂爲蠶
驅雀老扈鷦鷯趣民收麥令不得晏起舍人樊光注爾雅其言亦同謂以扈爲官還令依此扈而動作也其言不經難據杜云以九扈爲九農之號各隨其宜以教民事
稷五星在七星南農正也

堯農師 稷官

史周紀棄爲兒時其遊戲好種殖麻菽及爲成人遂

好耕農相地之宜宜五穀者稼穡焉民皆法則之堯

聞之舉為農師天下得其利

又見淮南子

書舜典

帝曰汝后稷播時百穀

詩誕后稷之穡有相之道誕降嘉穀秬秠糜芑

詩

箋后稷堯用之居稷官

閭官

周語農師一之稷為

大官

漢匈奴傳夏道衰而公劉失其稷官

北史

始均舜命為田祖

晉石苞傳為司徒詔曰陶唐之

世稷官為重其使司徒督察州郡播殖增置掾屬十

人

夏農率

月令注夏小正曰農率均田釋文率謂田正疏農率

則田峻也

周農師 農正 農大夫

見官名 禮里宰注季冬之月令命農師計耦耕事
修耒耜具田器

周田峻

詩七月三之日于耜四之日舉趾同我婦子饁彼南
畝田峻至喜注四之日周四月也民舉足而耕田峻
田大夫也 甫田曾孫來止田峻至喜箋田峻司耜
今之耜夫也成王來止謂出觀農事親與后世子行
使知稼穡艱難司耜至又加以酒食 記月令孟春

王命布農事命田舍東郊注田謂田畯主農之官也

禮家宰九職一曰三農生九穀

注鄭司農云三農平地山澤也立謂

原隰及平地

司稼辨種稌之種稻人稼下地

呂氏春

秋季冬紀命司農計耜耕事修耒耜具田器 晉志

詩三之日于耜四之日舉趾農官澤虞各有攸次

漢志后稷封釐公劉處豳太王徙郊文王作鄆武王

治鎬其民有先王遺風好稼穡務本業故豳詩言農

桑衣食之本甚備 管子墾田大邑辟土藝粟盡地

力之利臣不若甯邀請置以爲大田

漢農官 田官 農都尉 屯田校尉

宜禾都尉

食貨志武帝時水衡少府大農太僕各置農官往往
卽郡縣比沒入田田之元鼎六年上郡朔方西河河
西開田官斥塞卒六十萬人戍田之

見屯田類

元

紀初元五年四月詔罷北假田官

王莽傳五原北假
膏壤殖穀北假

在五原
今勝州

鹽鐵論大夫曰北邊置田官以贍諸用

王褒講德論省田官損諸苑 匈奴傳漢遣大將軍

青驃騎將軍去病擊匈奴匈奴遠遁幕南無王庭漢
度河自朔方以西至今居往往通渠置田官吏卒五
六萬人稍蠶食地接匈奴以北 百官表司農有郡

國農監長丞農都尉武帝初置

續志邊郡置農都尉

主屯田殖穀

馮參傳陽朔中爲上河農都尉

師古曰上

河在西河富平

敘傳班況爲上河農都尉奏課連最

地

理志張掖郡番和農都尉治敦煌郡廣至有宜禾都

尉治

見屯田

西域傳宣帝置都護匈奴益弱不得

近西域於是徙屯田於北胥鞬披莎車之地屯田校

尉始屬都護

郎渠犁田官

元鳳四年遣司馬一人吏

士四十人田伊循其後更置都尉伊循官置始此

後西域傳永平十六年征匈奴取伊吾廬地置宜禾

都尉以屯田遂通西域

魏梁習傳建安十八年拜

西部都督從事表置屯田都尉二人領客六百夫於

道次耕種菽粟

東祗爲屯田都尉董祀屯田都尉

宣帝時蔡癸以好農使勸郡國至大官光武拜梁

騰酒泉與農都尉

建武八年

田仁護邊田穀於河

上王莽置田禾將軍屯田北邊

漢稻田使者

昭紀元鳳元年冬十月詔安陽侯桀與燕王謀逆故

稻田使者燕倉先發覺

如淳曰爲諸稻田置侍者假與貧民收其稅入也

唐六典漢尚書郎四人其一人主戶口墾田汜勝之

爲侍郎教田三輔是也魏有農部郎曹晉始置屯田

郎中

溫嶠請司徒置田曹掾州一人勸課農桑察吏能否

漢藉田令

通典漢文初立藉田置令東京及魏不置晉武泰始十年十二月復置江左省宋元嘉中又置

漢力田常員

紀惠帝四年正月舉民孝悌力田者復其身高后元年初置孝悌力田二千石者一人文帝十二年三月詔置三老孝悌力田常員成帝陽朔四年正月詔曰先帝勸農薄其租稅寵其強力令與孝弟同科其令二千石勉勸農桑出入阡陌致勞來之地理志敦

王濟卷一百一十八
王
煌效穀縣注師古曰本魚澤障桑欽說孝武元封六

年崔不意爲魚復尉教力田以勤效得穀因名縣

詩箋田峻司嗇今之嗇夫 朱邑 鮑宣 鄭玄 第

五倫 爰延

漢穀石五錢 唐米斗三錢

宣紀元康四年比年豐穀石五錢

趙充國傳金城湟中穀斛八錢

唐食貨志貞觀四年米斗四五錢天寶三載是時海

內富實米斗之價錢十三青齊閒斗纔三錢 魏徵

傳帝卽位四年米斗三錢 舊紀麟德二年是歲大

稔米斗五錢牟麥不列市

漢大有年 唐有年

後漢紀永平九年是歲大有年十二年是歲天下安

平人無徭役歲比登稔百姓富庶粟斛三十牛羊被

野

永平二年始迎氣五郊三年春詔有司勸農桑四年親耕五年作常滿倉

唐紀太宗

貞觀二年九月壬子以有年賜酺三日

五年八月己卯以大有年

賜羣臣羊酒宴樂

高宗麟德二年大有年

又見祥瑞

魏典農都尉

魏志典農都尉校尉曹公置 任峻為典農中郎將

裴潛為魏郡潁川典農中郎將奏通貢舉比之郡

國 鄧艾為典農功曹 謝奇為斷春典農屯皖

王昶母巨儉爲洛陽典農 孟康正始中爲弘農領

典農校尉 盧毓爲睢陽典農校尉 時苗典農中

郎將 司馬芝傳武帝開屯田之官專以農桑爲業

建安中倉廩充實百姓殷足 太祖欲廣置屯田使國用典農共事 咸熙

元年罷屯田官以均政役 典農爲太守都尉爲令長 魏志注漢

陶謙表陳登爲典農校尉盡鑿漑之利秔稻豐積

晉書太僕統典農都尉 泰始二年罷農官爲郡縣

後復有之 何曾汲郡典農中郎將 傅玄領典農

校尉

唐營田使 稻田使

高宗時襄師德兼河源軍司馬知營田事天授初爲
豐州都督衣皮袴率士屯田積穀數百萬延載元年
春二月爲河源積石懷遠軍及河蘭鄯州檢校營田
大使聖曆元年四月辛丑爲隴右諸軍大使復領營

田開元五年三月庚戌復置營州都督以姜師度爲

營田支度使

開元八年六月同州刺史姜師度兼營田長春宮使十月十七日開置朝邑屯

田與宋慶禮築之慶禮開屯田八十餘所

慶禮傳以習邊事拜

河東河北營田使

十四年七月王峻爲關內支度營田使十

五年十二月張志亮爲隴右支度營田使李尙隱爲

河北營田使

二年四月楊執一兼隴右營田使

六

典諸軍萬人已上置營田副使一人 列傳崔隱甫

玄宗擢兼河東道支度營田使 張延賞大曆中為

諸道營田副使 段秀實為邠寧支度營田副使

潘孟陽元和中兼京北五城營田使王遂為西北供

軍使持營田不可 憲宗以韓重華為振武京西營田

和糴水陸運使

孔緯僖宗時兼京畿營田使 張

介然為河隴郡守營田支度等使 忠義

賈循遷靜

塞軍營田使 忠義

張九齡遷中書令

開元二十一年五月始

議河南開水屯兼河南稻田使

宰相表開元二十一年七月甲申九齡為

河南開稻田使

通鑑開元十六年

正月丁丑以京兆稻田給貧民

正月宇文融請因九河故道開稻田丙寅充九河使
事不就

唐農圃監

韋雲起傳高祖授司農卿武德初進上開府判農圃
監 見東都苑類

唐田正

會要

舊紀同

景龍三年八月二日庚寅敕諸州置司田

參軍一員

王農事

唐隆元年七月十九日戊辰廢開

元十五年四月十三日朔方五城各置田曹參軍一

員

知營田

上元二年九月二十一日壬寅又置并每

縣置田正二人

唐勸農使

通鑑開元十二年六月壬辰以兵部員外郎宇文融
爲勸農使循行州縣議定賦役 宇文融傳玄宗以
融爲覆田勸農使擢兵部員外郎融乃奏慕容琦等
二十九人爲勸農判官分按州縣括正丘畝

太平興國農師

興國七年閏十二月庚戌詔民爲邦本食乃民天令
諸道州府擇練土地之宜明種植之法者爲農師通略
丁酉詔實錄 九年五月廢
庚戌大詔令同